

IGELDOKO

herritarrekin

Desanexioari buruzko **HERRI KONTSULTA** Igeldon **2013ko azaroaren 10ean**

2013ko azaroan



1. Sarrera	3
2. Aurrekariak	4
3. Helburuak	7
4. Prozesuaren deskribapena	8
4.1. PARTE HARTZEKO PROZESUAREN DISEINUA	
4.2. INFORMAZIOA ETA EZTABAIDA	
4.3. HERRI KONTSULTA	
5. Prozesuaren emaitzak	17
5.1. PARTE HARTZEKO PROZESUAREN DISEINUA	
5.2. INFORMAZIOA ETA EZTABAIDA	
5.3. HERRI KONTSULTA	
6. Komunikazioa	23
7. Balorazioa eta ondorioak	
7.1. HERRITARREN PARTAIDETZARAKO ZUZENDARITZAREN BALORAZIOA	
7.2. TALDE ERAGILEAREN BALORAZIOA	
7.3. KOORDINAZIO TALDEAREN BALORAZIOA	
8. Eranskinak	
8.1. PARTE HARTZEKO PROZESUAREN DISEINUA	
8.2. KOMUNIKAZIO EUSKARRIAK	
8.3. INFORMAZIOA ETA EZTABAIDAKO EUSKARRIAK	
8.4. PARTE HARTZEKO PROZESUAREN INGURUKO GALDERA-ERANTZUNAK	
8.5. KONTSULTA EGUNEKO ARAUDIA	
8.6. KONTSULTAKO EUSKARRIAK	
8.7. KONTSULTAKO AKTA	

IGELDO

2013ko azaroaren 10ean Igeldok ariketa demokratiko garrantzitsu bat egin zuen. Bertako herritarrek Igeldoren etorkizunaren gaineko iritzia eman zuten herri kontsulta baten bidez, honako galderari erantzunez:

Igeldo udalerria izatea nahi duzu?

Erantzun posibleak, bi: bai edo ez.

Botoa emateko eskubidea zuten igeldotarren % 72,1ak eman zuten botoa kontsultan (883 pertsonetatik 637k) eta horietatik % 61,38ak (391 pertsonak) baiezkota erantzun zuten, Igeldo udalerria izatea nahi duela esan zuten eta % 36,73ak (234 pertsonak) ezezkoa.

Honako txosten honetan, kontsulta hori gauzatu arteko prozesuaren berri ematen da eta baita herri kontsultaren ingurukoak azaldu ere: prozesuaren ikuspegitik lehenik eta emaitzen ikuspegitik ondoren. Azkenik, prozesu osoaren balorazioa ere jasotzen du, ikuspegi desberdinetatik.

2. AURREKARIAK

1980ko hamarkadan desanexioaren aldeko mugimendua piztu eta egituratu zen.

Donostiako Udalak Igeldon egin nahi zituen aldaketa urbanistiko esanguratsu batzuk zenbaiten artean egonezina sortu zuten, bertako etxebizitza beharrak kontuan hartzen ez zituela uste baitzuten. Horrela, Auzolan elkarteak, garai hartan indarrean zegoen 1960/1986 dekretuan oinarrituta, 1994ko azaroan, herri galdeketa bat bultzatu zuen jakiteko jendeak zer nahi zuen eta horren arabera eskaera egiteko: ze iritzi zuen desanexioaren alde zeuden, toki erakunde txikia bihurtu nahi zuten edo berdin jarraitu nahi zuten.

Galdeketan, %58,7ak Igeldo Donostiatik bereiztearen alde bozkatu zuen, %8,8ak kontra eta %32ak deszentralizazioaren alde egin zuen. Orduan 908 herritar bizi ziren Igeldon eta horietatik 717k zuten boto eskubidea. Galdeketan 487 pertsonak hartu zuten parte.

Galdeketaaren emaitzak kontuan hartuta, Igeldoko herritarrek Itxas Aurre Batzorde Sustatzailea sortu zuten desanexioaren prozesua aurrera eramateko.

Galdeketa emaitzak eskuan hartuta eta bideragarritasun txostenak eginda, 1995eko otsailean, Igeldoko Itxas Aurre Elkarrekin Donostiako Udalari desanexiorako espediente irekitzeko eskaera formala aurkeztu zion. Harrezkero 18 urte igaro dira eta Itsas Aurreraren eskaera ezeztatuta dago. Ondorengo da egin duen ibilbidea Donostiako Udala, Gipuzkoako Foru Aldundia eta epaitegietatik barrena:

- **1995-02-14ean ITXAS AURRE Batzorde Sustatzaileak Donostiako Udalari eskatu zion** espediente administratibo bat hasi zezala Igeldo auzoa Donostiatik banantzeko eta Igeldoko udalerrri independentea eratzeko.
- **1995-05-09an Udalak** ukatu egiten zuen espediente hori hasia martxoaren 24ko 4/1995 Foru Araua, Gipuzkoako Udal Barrutiei buruzkoa, ez zuelako betetzen. **Itxas Aurrek** errekurritu egin zuen erabaki hori Euskadiko Justiziako Auzitegi Nagusiko Administrazioarekiko Auzietarako Salan (TSJPV-ko Sala de lo Contencioso-Advo.an).
- **1998-02-05ean TSJPVk** arrazoia eman zion ITXAS AURREri eta:
 - udalaren 95-5-9ko erabakia deuseztatu-anulatu zuen, eta
 - ITXAS AURREri banantze espediente tramitzeko eskubidea aitortu zion 1986ko uztailaren 11ko **1.690/1986 Errege Dekretuaren** bidez onartutako **Toki Erakundeetako Biztanleen eta Lurralde Mugaketaren Erregelamenduak agindutakoaren arabera (Real Decreto 1.690/1986, de 11 de julio, sobre Población y Demarcación Territorial de las Entidades Locales).**

- **Udalak** errekurritu egin zuen **KASAZIOAN** Sententzia hori.
- **1998-12-23an** aipatu auzitegiak –**TSJPV**–, ITXAS AURRE elkarteak hala eskatuta, 1998-02-05eko sententziaren exekuzio probisionalak xedatu zuen.
- **1999-03-29an**, **Udal Plenoak** sententziaren exekutatzuz, erabaki zuen desanesioko espedienteak jendaurreko informazio tramitean jartzea 2 hilabetez, eta banan-banan jakinarazi zien banaketa espedienteak hasteko eskaera izenpetu zutenei.
- **1999-09-17an** egindako **Udal Plenoak** aurkako irizpena ematea erabaki zuen ITXAS AURREn banaketa eskaerari eta espedienteak Gipuzkoako Foru Aldundiari helaraztea, Biztanleen eta Lurralde Mugaketaren Erregelamenduak aurreikusitako ondorioetarako (Rgl^o Población y Demarcación Territorial).
- **1999-11-23an** **Diputatuen Kontseiluak KASAZIOA** erabaki arte banantze espedienteak etetea erabaki zuen.
- **2003-10-29ko** epaiaren bidez **Auzitegi Gorenak-TSak** ezetsi egin zuen Donostiako Udalak TSJPVren 1998-02-05eko epaiaren aurka tarteratu zuen **KASAZIO** errekurtsioa.
- **2005-10-14ean** **ITXAS AURREk** espedientearekin jarraitzea eskatu zuen 1.690/1986 Erret Dekretoak agindutakoaren arabera. Baina, aldi berean, Batzorde Sustatzaileak berak, Donostiako Udalak eta Gipuzkoako BBNek elkarriketak jarri zituzten abian, Igeldon udalez peko erakunde bat (Entidad Local Menor) sortzeari begira, eta horrenbestez, Foru Aldundiak izatez (de hecho) etenaldiari eutsi zion.
- **2007ko amaieran** egiaztatu zen izandako elkarriketak horiek ez zutela ekarri inolako akordio zehatzik, eta, hortaz, **Gipuzkoako Foru Aldundiak banantze espedienteak osterako tramitean jarri zuen.**

Horrela, ITXAS AURREk 2005-10-14ko idatziarekin batera informazio osagarri gisa aurkeztu zuenez urte hartako maiatzean SIADECO aholkularitza-etxeak eginiko azterlan baten emaitza, **idatzi horren eta azterlanaren kopiak igorri zitzaizkion Donostiako Udalari, dokumentu horren edo bestelakoen gainean interesgarri zeritzana adierazi zezan.**
- **2009-04-30ean** **Aldundian** jaso zen **Donostiako GOBERNU BATZORDEAK** 2009-04-24an hartutako erabakiaren ziurtagiria igoldotarren eskaera ezezten zuena.

GOBERNU BATZORDEAK, arrazoi ezberdinengatik, erabat aplikagarritzat jotzen du 2003-03-17ko 2/2003 Foru Araua, Gipuzkoako Udal Barrutiei buruzkoa, eskatutako desanesioa ebazteko.
- **2010-03-16ko** bilkuran **DIPUTATUEN KONTSEILUAK** 6/2010 Foru Dekretua eman zuen Igeldo Donostiako udalerritik banantzeko eta udalerriri berria eratzeke eskaera ezezten zuena.

Itsas Aurre elkarteak Euskadiko Justizia Auzitegi Nagusian errekurritu zuen erabaki hori eta beraz, epaitegietan zegoen gaur egungo Gipuzkoako Foru Aldundiko gobernu berria osatu zenean.

Egoera hau epaitegietatik kanpo, hau da, herritarrekin konpontze aldera, 2013ko maiatzean Itsas Aurre eta Aldundiaren eskariz eta Donostiako udalarekin adostasunean, aipatutako Auzitegi Nagusiak suspenditu eta probisionalki artxibatu egin zuen Itsas Aurrek egindako errekurtsioaren tramitazioa.

2013ko ekainean Itsas Aurrek Aldundiari eskatu zion aurreko gobernuak 2010ean eman zuen aipatu 6/2010 FORU DEKRETUA anulatzea eta Igeldo udalerrri berri izendatzea.

Eskaera hori jasota, Gipuzkoako Foru Aldundiak erantzuteko prozedura martxan jarri zuen eta horren baitan, igeldotarrek zer iritzi zuten jakin nahi izan zuen, Foru Aldundi honek demokrazia zuzenean eta herritarren erabakitzeko eskubidean sinisten baitu.

Horrela, Igeldoren desanexioaren inguruan erabaki hartu aurretik eta herritarren partaidetzarako 1/2010 Foru Arauan oinarrituta, Aldundiak Igeldon parte hartzeko prozesu bat abiatu zuen herri kontsulta batekin amaituko zena.

Prozesua bera diseinatzeko Igeldoko Herri Kontseiluarekin elkarlanean egitea proposatu zion.

Horrela, 2013ko uztailetik azarora bitartean Gipuzkoako Foru Aldundia eta Igeldoko Herri Kontseilua elkarlanean honakoan jasotzen den parte hartzeko prozesuan aritu dira lanean.

3.1. PROZESUAREN HELBURU OROKORRA:

Igeldotarrek Igeldoren etorkizunaren inguruan erabakitzeke prozesuan parte izatea; herri kontsulta bidez, desanexioaren inguruko iritzia emanez

3.2. HELBURU ZEHATZAK:

- Gipuzkoako Foru Aldundiak Igeldok herri izateko eskaera jasotzen duen espedientearen barruan, hartu behar duen erabakia hartzeko igeldotarren iritzia ezagutzea.
- Igeldotarrek Igeldo udalerri bihurtzeko aukeraren inguruan hausnartzea; gaur egungo egoerari buruz, etorkizunean izan ditzakeen inplikazioei buruz, etab. eta horretarako informazioa eskura izatea (ekonomikoa, soziala...).
- Igeldotarren iritzia ezagutzeko, herri-kontsulta egitea.
- Herri-kontsulta bera eta barne hartzen duen parte hartzeko prozesua baloratzea eta sistematizatzea.

3.3. ZEHARKAKO HELBURUAK:

- Igeldotarren partaidetza aktiboa, zabala eta anitza lortzea informazio, eztabaida eta herri-kontsultaren prozesuan
- Euskara sustatzea: proiektu eta prozesu hau euskaraz kudeatuko denez, erabiliko den hizkuntza nagusia euskara izango da.
- Emakumeen eta gizonen arteko berdintasuna sustatzea: proiektu eta prozesu honetan genero-ikuspegiarekin egingo dugu lan eta, ahal den neurrian, emakumeen parte-hartzea bereziki bultzatuko dugu.

4. PROZESUAREN DESKRIBAPENA

Lau fase izan ditu prozesuak:

1. PROZESUAREN DISEINUA (2013ko uztaila-iraila)
2. INFORMAZIOA ETA EZTABAIDA (2013ko urria-azaroa)
3. HERRI KONTSULTA (2013ko azaroaren 10a)

4.1. PARTE HARTZEKO PROZESUAREN DISEINUA

2013ko uztailan Gipuzkoako Foru Aldundiak proposamena luzatu zion Igeldoko Herri Kontseiluarek herri kontsultan amaituko zen parte hartzeko prozesua elkarrekin diseinatzeko.

Herri Kontseilua ados agertu zen eta uztailan bertan hasi ziren prozesua diseinatzeko lehen lanak, horretarako bi erakundeen arteko **Talde Eragilea** sortuz.

Talde eragilea Igeldoko Herri Kontseiluko bost ordezkari eta herri partaidetzarako talde teknikoko bi kidez osatu zen.

Talde eragilean landutakoak honako hauek izan ziren:

- Azkeneko urteetan gai honen inguruan Igeldon egindakoa ezagutu eta hausnartu zen.
- Igeldotarrekin parte hartzeko prozesuan egingo ziren ekintzak diseinatu eta planifikatu ziren.
- Komunikazio-planaren lehen zirriborroa diseinatu zen eta beharrezko euskarriak identifikatu ziren.
- Kontsulta eguna diseinatu zen: antolaketa, araudiaren lehen zirriborroa, materialaren aurreikuspena...
- Kontsultaren ondorenak (eskenatoki posibleak) aurreikusi ziren.

Talde eragileak 5 bilera egin zituen fase honetan.

Gune horrez gain, **Koordinazio taldea** ere sortu zen Gipuzkoako Foru Aldundiko funtzio publikoko diputatua, diputatu nagusiaren kabineteko arduraduna, Herri partaidetzarako zuzendaria eta Igeldoko herri Kontseiluko ordezkariak osatuta. Talde honen helburua prozesua koordinatzea, segimendua egitea eta beharrezko egokitzapenak proposatzea izan da.

Koordinazio taldeak 2 bilera egin zituen fase honetan.



Fase hau amaitzeko diseinuaren bi aurkezpen egin zituen Talde eragileak:



- **Donostiako udaleko ordezkari politikoei**, irailaren 20an, diseinua aurkezteko eta beraien zalantzak argitzeko, ekarpenak eta iritzia jasotzeko. Bilera honetara Donostiako udalean ordezkariak duten alderdi guztiak gonbidatuta egon arren, EH Bilduko ordezkari politikoei bakarrik hartu zuten parte, gainerako alderdiek ez zirela etorriko jakinarazi zuten.

- **Igeldoko Herri batzarrean** (irailaren 29an) diseinua aurkeztu zen, herritarrek planteatutako zalantzak jaso ziren eta diseinuari oniritzia eman zion batzarrak. Batzar horretan 73 igeldotarrek hartu zuten parte.



Komunikazioari dagokionez, fase honetan hainbat euskarri prestatu eta inprentaratu ziren (ikus eranskinak, 8.2. puntuan):

- Prozesuko **kartel orokorrak** diseinatu eta atera ziren, gerora bileren deialdiak egiteko erabiliko zirenak.
- **Aurkezpen ereduak** prestatu ziren (ppt ereduak) bileretan erabiliko zirenak.
- **1. mahai ingururako euskarriak** egin ziren.
- Igeldotar guztiek oinarritzko informazio objektiboa izateko, abiapuntu bera izateko eta baldintza berdinetan parte hartu ahal izateko Igeldoko etxe eta gune (taberna, elkarte...) guztietara banatuko zen **liburuxka informatiboa** prestatu, inprentaratu eta zabaldu zen. Liburuxkaren bidez desanexioaren gaia kokatu zen, aurrekariaren informazioa zabaldu zen, parte hartzeko prozesua aurkeztu zen eta eskenatoki posibleak ezagutarazi ziren.

Fase hau parte hartzeko prozesua hastearekin batera amaitu zen, 2013ko irailaren amaieran.

4.2. INFORMAZIOA ETA EZTABAIDA

Aurreko fasean diseinatutakoaren arabera, 2013ko urritik azaroaren 10era bitartean Igeldotarrek parte hartzeko prozesua martxan izan zen.

Fase honetan helburua honakoa hau zen:

Herri Kontsultaren aurretik, igeldotarrek desanexioaren inguruko gaiaz informatu, hausnartu eta eztabaidatzea.

Horretarako, hainbat mahai inguru, auzokako bilera ireki eta sektorekako bilera egin ziren:

Ekintza	Eguna	Ordua	Tokia
1. mahai ingurua: Desanexioari buruzko herri kontsulta Igeldon	URRIAK 3, osteguna	20:00	Itsas Aurre kultur etxean
Sektore ekonomikoaren bilera	URRIAK 7, astelehena	17:00	Itsas Aurre kultur etxean
Eragileen bilera	URRIAK 10, osteguna	17:30	Eskolan
Hegoaldeko / Mendebaldeko herritarrentzat bilera irekia	URRIAK 14, astelehena	20:00	Itsas Aurre kultur etxean
Etumeko / Ameztiko herritarrentzat bilera irekia	URRIAK 17 osteguna	20:00	Buenavistan
Etumeko / Ameztiko herritarrentzat bilera irekia GAZTELANIAZ	URRIAK 21, astelehena	20:00	Nicolsen
Itsasaldeko herritarrentzat bilera irekia	URRIAK 24, osteguna	20:00	Itsas Aurre kultur etxean
Kaskoko herritarrentzat bilera irekia	URRIAK 30, asteazkena	20:00	Din din elkartean
2. mahai ingurua: Desanexioari buruzko herri kontsulta Igeldon (herritarren bileretan ateratakoarekin aberastuta)	AZAROAK 8, ostirala	20:00	Itsas Aurre kultur etxean

Horrela bada, **bi mahai inguru** egin ziren, bata parte hartzeko prozesua irekitzeko (urriaren 3an) eta bigarrena ixteko (azaroaren 8an).

1. mahai inguruaren helburuak:

- Parte hartzeko prozesuaren helburuak eta ekintzak igeldotarrei ezagutaraztea.
- Desanexioaren gaiaren inguruan informatzea, hausnartzea eta posizionatzen hastea.

MAHAIKIDEAK:

- Jose Ignazio Galparsoro, Itsas Aurreko kidea.
- Antton Arka, Astigarragako herria sortu zeneko alkatea.
- Rakek Gandiaga, Bolibar herria sortzeko prozesuan parte hartu zuen herritarra.
- Ramon Etxezarreta, Donostiako udaleko zinegotzi ohia.
- Mahaia bideratzen: Nicola Foroni.

2. mahai inguruaren helburuak:

- Igeldotarrei informazio objektiboa ematea, igeldotarrak kontsultan parte hartzea bultzatzeko eta posizionatzeko.
- Parte hartzeko prozesuan atera diren galdera, kezka, baieztapenen inguruan Foru Aldundiko, Itsas Aurreren, Herri Kontseiluaren erantzunak eta aurkezpenak igeldotarrek entzutea.

MAHAIKIDEAK:

- Arantza Ruiz de Larrinaga, Aldundiko Herritarren partaidetzarako zuzendaria.
- Xabier Olano, Aldundiko Ogasuneko zuzendaria.
- Unai Erroitzenea, Aldundiko Garraio eta Bide azpiegituretako zuzendaria.
- Eluska Gerriko, Segurako alkatea.
- Juanjo Allur, Siadeco-ko teknikaria.
- Juan Luis Cruz, Itsas Aurreko kidea.
- Mahaia bideratzen: Olatz Estensoro.

Tartean sektoreei begirako bi bilera egin ziren: bata **sektore ekonomikoko eragileentzat** eta bestea gainerako **eragileentzat** (gurasoak, elkarteak, etab.).

Bestalde, herria **eremuka** banatu zen eta horien arabera **bilera irekiak** egin ziren, bost denera. Horietako bat gaztelaniaz egin zen.

Saioak herritarrak bizi ziren ingurutik gertu egin ziren.

Asistentzia datuak:

	Parte hartzaileak DENERA	Emakumezkoak	Gizonezkoak
1. mahai ingurua	60	35	25
Sektore ekonomikoaren bilera	38	13	25
Eragileen bilera	37	17	19
Hegoaldeko / Mendebaldeko herritarrentzat bilera irekia	22	9	13
Etumeko / Ameztioko herritarrentzat bilera irekia	20	10	10
Etumeko / Ameztioko herritarrentzat bilera irekia GAZTELANIAZ	43	15	28
Itsasaldeko herritarrentzat bilera irekia	36	16	20
Kaskoko herritarrentzat bilera irekia	27	14	13
2. mahai ingurua: Desanexioari buruzko herri kontsulta Igeldon	78	36	42
DENERA	361	165	196

Taula honetako kopuruetan ez dira kontuan hartu ez teknikariak, ez Herri Kontseilukideak, ez mahai inguruetan mahaikideak eta ezta Gipuzkoako Foru Aldundiko ordezkariak ere.



Fase honetan 883 igeldotarrek prozesuaren eta desanexioaren inguruko informazioa jaso zuten zuzenean etxean.

Bileretan eta bi mahai inguruetan 361 pertsonak hartu zuten parte, horietatik 165 emakumeak izan ziren (% 46) eta 196 gizonezkoak (% 54).

Jende gehiena 30 eta 55 urte bitartekoa izan zen. Ondoren, 55 urtetik gorakoak eta gutxiago izan ziren 30 urtetik beherakoak.

Komunikazio mailan (ikus eranskinak, 8.2. puntuan):

- Mahai inguru eta bilera guztien deialdia egin zen **kartel** bidez eta **etxeetara informazio orriak** bidalita.
- Parte hartzeko prozesuan ateratako galdera/kezka garrantzitsu edota errepikatuenekin eta erantzunekin (gaiaren arabera GFAk erantzunda, Herri Kontseiluak edota Itsas Aurrek) **orri informatiboa** prestatu, inprentaratu eta banatu zen Igeldoko etxe eta gunen (taberna, elkarte...) guztietara.
- **2. mahai ingururako euskarriak** egin ziren.
- **Posta bidezko botorako euskarriak** bidali zitzaizkien igeldotar guztiei: gutuna argibideekin (Martin Garitanoren izenean), papeleta eta gutunazal frankeatua.

Fase honetan Talde eragileak prozesua koordinatu, segimendua eta beharrezko egokitzapenak proposatzeko 2 bilera egin zituen.

Fase hau herri kontsultarekin amaitu zen, 2013ko azaroaren 10ean.



4.3. HERRI KONTSULTA

Desanexioaren inguruko herri kontsulta **Igeldon 2013ko azaroaren 10ean** egin zen.

Kontsultaren ezaugarriak honako hauek izan ziren

- **Botoa emateko eskubidea** honako hauek izango zuten:
 - Igeldon bizi ziren herritarrek. Horretarako, alde batetik Usurbil, Orio eta Kantauri itsasoak markatutako mugak hartzen dira kontuan eta bestalde, Donostiarekiko mugak; Donostiako udalak definitutakoak,
 - irailaren 30a baino lehen barruti horretan erroldatutako herritarrek
 - eta azaroaren 10a baino lehen 16 urte bete zituztenek.
- **Ordutegia:** 09:00etatik 20:00etara.
- **Tokia:** Itsas Aurre kultur etxean.
- **Beharrezko dokumentazioa:** hauteskundeetan erabiltzen diren ohiko identifikazio dokumentuak.
- **Botoa posta bidez** emateko aukera egon zen.

Horretarako, aurreko ezaugarriak betetzen zituen igeldotar bakoitzak gutun bat jaso zuen etxean: postaz botoa eman ahal izateko argibideak jasotzen zituen gutun batekin, papeleta batekin eta papeleta sartzeko gutunazal frankeatu batekin.

Gutunazal frankeatu horrek barra kode bat zuen (erroldako datuetan oinarrituta), igeldotar bakoitzari zegokiona eta horren bidez identifikatzen zuena.

Gutunazal hori, papeleta sartuta, edozein postontzitan sartu eta bidaltzeko aukera izan zuten igeldotarrek urriaren 31a baino lehen.

Gipuzkoako Foru Aldundiak egin zuen boto horiek biltzeko lana eta kontsulta egunean Igeldora eramateko ardura izan zuen.

Nolanahi ere, zuzeneko botoa ematea lehenetsi zen. Horrela, herri kontsultaren egunean posta bidez bozkatutako herritarren batek zuzenean bozkatzeko asmoa azalduz gero, postaz egindako botoa indargabetu (hautsi) eta zuzenean bozkatzeko aukera eman zen.
- **Kontsultako galdera** honako hau izan da:

**IGELDO UDALERRIA
IZATEA NAHI DUZU?**

BAI

EZ

Herri kontsultaren baldintzak Gipuzkoako Foru Aldundiak eta Herri Kontseiluak bermatu dituzte.

Lan horretan, dena den, **begiraleak** ere izan ziren. Horrela, Gipuzkoako Foru Aldundiak gonbidapena egin die begirale izateko Arartekoari, Gipuzkoako Batzar Nagusiei eta Donostiako Udalari.

Horiez gain, igeldotarrek ere izan dute aukera begirale izateko (gehienez 4 pertsona) eta horretarako epe bat zabaldu zen (azaroaren 4ra bitartekoa) izena emateko.

Horiek horrela, honako begiraleak izan ziren kontsulta egunean:

- Igeldotarrak: Ainhoa Esteban Ugarte, Larraitz Dorronsoro eta Ander Zubeldia.
- Batzar Nagusietako ordezkariak: Idoia Ormazabal, Maite Sarasua, Iñaki Azkarate eta Haritz Salaberria.
- Donostiako Udala: Javier Garcia (lehendakaritzako zuzendaria), Amaia Agirreolea (Herritarren partaidetzako zuzendaria), Aitor Ibero (alkatetza) eta Axier Jaka (Herritarren partaidetzako eta datuen babeserako zinegotzia).

Arartekoak begirale izateari uko egin zion, ondorengo arrazoiengatik: beraien eskumenetik at geratzen zelako, beraien lana administrazio publikoaren jarduera aztertzea denez gero, administrazio prozesuetatik erabat kanpo egon behar zutela adierazi zuten eta eta inpartzialtasuna bermatzeko.

Kontsultako mahaia honako hauek osatu zuten:

- Lehendakaria: Gipuzkoako Foru Aldundiko Herritarren Partaidetzarako foru zuzendaria, Arantza Ruiz de Larrinaga.
- Lehendakariordea: Igeldoko Herri Kontseiluko lehendakaria, Ramontxo Urruzmendi.
- Idazkaria: Gipuzkoako Foru Aldundiko Diputatu Nagusiaren Alorreko idazkaria, Segundo Diez.
- Igeldoko Herri Kontseiluko ordezkari bat, Ion Uzkudun edo horren ordezkoa Igor Arrieta.
- Gipuzkoako Foru Aldundiarekin lankidetzan ari den parte-hartzeko teknikari bat, Agurtzane Loidi edo horren ordezkoa Olatz Estensoro.

Kontsulta egunean mahaikideak eta begiraleak identifikatuta egon ziren eta bakoitzari kontsulta eguneko araudiaren kopia bana eman zitzaion.

Begiraleek kontsulta egin zen aretotik sartu eta ateratzeko aukera izan zuten eta baita eserita egoteko ere.

Mahaian erroldaren datuak erabiltzeko eskumena idazkariak eta lehendakariak soilik izan zuten, hurrenez hurren funtzionarioa eta kargu publikoa zirelako.

Lehendakaria lehendakariordeak ordezkatzeko aukera zegoen, kontseilukideak ere bat baino gehiago izan ziren eta ordezkatzeko joan ziren eta parte hartzeko teknikariak ere bai.

Idazkariaren kasuan, soilik bazkaltzeko ordezkatu zen eta kasu horretan mahaiko lehendakariak ordezkatu zuen.

Herritarrak botoa ematera etortzen zirenean, Herri Kontseiluko kideak dokumentazioa hartu eta altuan irakurtzen zuen. Ondoren, idazkariak pertsona hori zerrendan zegoela ziurtatzen zuen eta pertsona horri zegokion kodea ahots altuan esaten zuen. Mahaian zegoen parte hartzeko teknikariak kode hori dokumentu batean idazten zuen emakumea edo gizonezkoa zela jasotzearekin batera.

Modu horretara, azken kontaketa jaso zen boto kopurua eta teknikariek jasotzen zuten zerrendako boto-emaileen zerrendaren kopurua bat etorri behar ziren.

Gaueko 20:00etatik aurrera boto kontaketa publikoa izan zen eta ateak irekita izan ziren boto emateko ordua amaitu eta gero ere.

Kontaketarekin hasterako, boto bidez jasotako botoak banan banan kutxan sartu ziren, boto bakoitzaren kodea altuan esanez.

Ondoren, kutxa hustu eta banan banan botoak gutunazaletatik atera ziren eta erantzunaren arabera multzokatu ziren: baieztokak, ezeztokak, zuriak eta baliogabeak.

Azkenik, multzo bakoitzean zenbat boto zeuden zenbatu zen eta teknikariak jasotako kopuruarekin bat zetozen ziurtatu zen.

Garbiñe Errekondo foru diputatuak eman zituen herri kontsultaren emaitzak ahots altuan.

Komunikazio mailan (ikus eranskinak, 8.2. puntuan):

- **Gutuna** bidali zitzaien igeldotar guztiei kontsultan parte hartzeko animatzeko, Garbiñe Errekondoren izenean.
- **Gutuna** bidali zitzaien posta bidezko botoa eman zutenei, Garbiñe Errekondoren izenean, botoa eman zutela ziurtatzeko.
- **Kuñak irratietan** aurreko egunetan (ostegunetik igandera) igeldotarrak kontsultan parte hartzera animatzeko.
- Kontsulta egunean **kartel informatiboak** boto aukeren inguruan: zer da baliozko botoa? Zer da txuria? Zer baliogabea?
- **Kontsultarako euskarriak** (8.6. puntuan): papeletak eta mahaikide eta begiraleen identifikaziorako euskarriak.

Kontsultaren inguruko ezaugarri eta euskarri hauek guztiak, aurrez aipatu bezala, Talde eragilean landu eta adostu dira eta ondoren, Koordinazio taldean baieztatu dira.

5. PROZESUAREN EMAITZAK

5.1. PARTE HARTZEKO PROZESUAREN DISEINUA

Fase honen helburua kontsultarekin amaituko zen parte hartzeko prozesua diseinatzea zen eta emaitza, beraz, parte hartzeko prozesuaren diseinua bera izan zen (ikus eranskinetako 8.1. puntuan).

5.2. INFORMAZIOA ETA EZTABAIDA

Parte hartzeko prozesuko bilera irekietan igeldotarrekin hainbat ariketa egin ziren. Horietako lehena, gaia kokatzeko erabiltzen zena, **Igeldo eta desanexioa** hitzak entzunda burura zer zetorkien galdetzea zen. Erantzuna hitz baten bidez eman behar zuten.

Ondorengoak dira bilera guztietan jaso genituen hitzak, gehien errepikatu zirenetatik hasita:

Ilusioa
Beldurra
Aukera
Kudeaketa
Zalantza
Aldaketa
Burujabetza
Etorkizuna
Nortasuna
Antolaketa propioa
Askatasuna
Esperantza
Gu
Heldutasuna
Herria
Segurtasuna
Hobekuntza
¿Qué modelo de ayuntamiento?
(Alcalde / personal)
Abiapuntua
Aisialdia
Alaitasuna
Ambulatorio, ikastola, (Servicios)
Ametza
Anormal onak
Aportación de diputación
Ardura
Ardura polita
Aske
Aukera berria
Azken aukera
Aukera ekonomiko berriak
Autobús
Autobusaren egokitasuna
Autoestima
Autogestioa
Autogobernua
Autonomia
Bai
Baikortasuna
Baliabideak
Beharra
Beharren kudaketa propioa

Berdea
Bertigua ona
Bideragarritasuna
Bizi kalitatea
Bomberos
Buruaren jabe
Burujabe
Calidad de vida
Cambio
Carretera
Cemento
Delimitación
Demokratiko
Donostiarentzat ere hobeto
Económicas
Educación
Egunerokotasuna
Eskola txikia
Eskubidea
Esplikazioak
Etorkizun hobia
Ezer ez
Ezjakintasuna
Falta de información
Gaitasuna
Garaia da
Gazteak geratzeko aukera
Geroa
Gertutasuna
Gestión
Gestión de los recursos
Gestión posterior
Guk kontrolatzea
Gure erabakia
Helmuga
Herri bat hobia denontzat
Herri izatea
Herri txikia
Herriari egokitutako zerbitzuak
Hoherako
Identitatea
Iluminación
Impuestos

Inversión
Izaera
Justifikazioa
Kanpoko presioa
Kezka
Konponketa
Kontzientzia
Lana / Herrilana
Lasaitasuna
Libertad
Librea
Limpieza
Mantenimiento del pueblo
Mugak ez dira oztopo
Natura
Nekazaritza
Norberaren jabetasuna
Nortasuna habesteko aukera bakarra
Unión
Odon
Oportunidad
Pelea
Plan urbanístico
Poesía
Politizazioaren arriskua
Preocupación por el bus
Proba
Recursos
Responsabilitatea
Satisfacción
Separación
Servicios
Subiranotasuna
Taldea
Trabajo
Transporte
Urbanismo
Viabilidad
Viabilidad económica
Zerbitzua
Zerga gehiago

Gaia kokatua, jendea taldeka lanean jartzen zen bileretan eta **Igeldo desanexionatzeak edo udalerri bihurtzeak izan zitzakeen abantaila eta desabantailen** inguruan galdetzen zitzairen. Gai horren inguruan zituzten kezkak ere jasotzen ziren.

Talde lana eginda, talde handian landutakoa aurkezten zuten.

Hona bilera guztietan ateratako abantaila eta desabantailen taula:

ABANTAILAK	DESABANTAILAK
• Kudeaketa propioa eta gertutasuna: beharrak errazago identifikatuko ditugu. Agian ez kolpetik, gutxinaka. Diru-iturri finkoa GFAtik urtero etorriko da. • Zerbitzuak eta ekipamenduak kudeatu eta hobetuko ditugu eta guztiontzat (bertakoentzat, donostiarrentzat edo kanpotik datozenentzat) mesedegarria izango da, zerbitzu hobeak izango dituztelako. • Autobus zerbitzua Igeldoko beharretara egokitzea, adibidez baserri mundua gerturatzeko, taxibusa, lanera joateko, gauean... Beste zerbitzuak ere egokituko dira: zaborra, estolderiak, saneamendua... • Baliabideen kudeaketa eta erabakitzeke ahalmena: gure beharren arabera gobernatuko dugu eta gure interesak defendatuko ditugu. Guk antolatuko dugu gure zergak eta bertan gastatuko dira eta erabakiko dugu zer egin: kultura, etxebizitzak, hirigintza, bideak, argia, espaloiak, galdutako bideak txukuntzeko, baserrietako garraioa ... (Orain Donostiaren %0,5 gara eta gero Igeldoren %100a). Los impuestos revertirán en Igeldo. • Orain arte Donostiaren ikuspuntutik egin dira gauzak gero Igeldoren ikuspuntutik egingo dira. • Aukera izango dugu plan orokorrak definitzeko, baliabideak banatzeko. Horrela, hazkunde urbanistiko orekatua egiteko aukera izango dugu, plangintza masiboetatik aldenduz. • Hirigintza hemendik kudeatuko genuke. 3000 biztanle baino gutxiagoko herria garenez ez dugu lur zorua legea bete behar izango. Aldundiak zainduko du gehiegikeri urbanistikoak ez direla egingo. Bertako gazteei erantzuteko tresna garrantzitsua da, bertan bizi izaten gelditzeko. • Etxeak egingo balira, lehenengo herrikoen artean banatuko lirateke. • Norabidea eta garapena erabakitzea: herri nortasuna trinkotzeko. Gauzak beste modu batera egiteko aukera. Ilusio gehiagorekin egingo dugu lana. Harremanak sakonagoak izango dira. • Gure herria diseinatu eta antolatzeke aukera parte hartzeko prozesu baten bidez egin dezakegu. Hausnarketa interesgarria litzateke guztion artean egiteko eta nolako herria nahi dugun zehazteko. Orain arte bezala herri batzarrari indarra emanez egin daiteke. • Gertutasuna: Herritarrekiko partaidetza erraztuko du. Udaleko pertsonak ezagutuko ditugulako eta gertuagokoak izan dira. Nora joan kexatzera jakingo dugu. • Toki txikiak hobeto kontrolatzen eta kudeatzen dira. La facilidad de administración por el tamaño. • Eguneroko arazoak konpontzeko bidea izango dugu. • Aukera: “programak” sortzeko eta diru-laguntzak eskatzeko. EJ edo GFAtik udalerri zuzendutako programak daude eta horiek aprobetxatu daitezke. Sindikatuko proiektua, eskola zaharra... baditugu landuak batzuk. • Zergak: gaur egun ordaintzen duguna mantenduz gero, superabita izango genuke. • Udalak gehiengo baten iritziarekin jarraituko du. • Herri izaera mantenduko dugu. • Bertako ekintzailetasuna bultzatzeko aukera izango dugu. Lanpostu berriak sortuko dira. • Superar la desidia, la falta de cariño y el agravio comparativo de Donostia con Igeldo (siempre priorizar otras zonas y hay cosas pendientes desde muchísimos años, hay zonas que todavía no tienes aguas negras por ej.) • Inguruko beste herriei erlazioa berreskuratzea.	• Orain ez ditugun arazoak izan ditzakegu. • Beste batzuen esku uzteko arriskua: “aktibo” izaten jarraitu beharko dugu. • Egoera ezezaguna eta horren aurrean egon daitekeen zalantza edo beldurra. Jakingo al dugu egingen? • Zalantza batzuk oraindik ez dute erantzunik. • Erabakiak eta adostasuna bilatzerakoan ez daukagu ziurtasunik. • Jende batek uste du herria bultzatzea alderdi politiko bati lotuta dagoela. • Oinarrizko zerbitzuak murriztu? Baliabide gutxiago izateagatik. • Egungo autobus zerbitzua galtzeko beldurra. • Beste erakundeekiko menpekotasun ekonomiko gehiago. • Arriskua: herri nortasunaren aurkako erabakiak hartzea, zerbitzuak hobetzeko diru premiak eraginda. • Herritarren arteko gatazka areagotzeko arriskua. Egoera gaiztotuz gero gertuagoko pertsonak izango dira. Udala oso gertukoa izango da. Subjektiboagoa. Jendea erretzeko arriskua. • Lana eta denbora egin beharko da herri giroa mantentzeko. • Interes ezberdinen arteko tirabirak sor daitezke, hirigintza mailan batez ere. • Arazo handi baten aurrean baliabide mugatuak izan ditzakegu. • Eraikuntzako presio handituko da. • Aldaketa prozesuak zalantza eta beldurra sortu dezakete. • El 1% de los/as habitantes gestionarán el 16% del territorio. • Donostiarrak aurka jartzeko arriskua dugu. • Berriaren aurreko beldurra, bertigoa.

Taldeetan landutakoa aurkeztu ondoren, talde handian gelditu zitezkeen galderak, kezkak, jakin nahiak argitzen ziren.

Mahai inguru eta bilera guztietan ateratako galderekin dokumentu bat osatu zen eta galderaren arabera zegokion erakunde edo elkarteak erantzuna eman zuen (ikus 8.4. puntuan). Dokumentu horren laburpen bat (prozesuan eta kalean gehien entzuten ziren galdera errepikatuenekin) Igeldoko etxe guztietara banatu zen kontsulta izango zen astean bertan, bileretara etorri izan ez zuenak ere informazio hori jaso zezan.

Bestalde, galdera-erantzun horiek oinarri izan ziren 2. mahai ingururako, horren helburua galdera horien erantzunak erakunde edo elkarte horien hitzetatik entzutea izan zelarik.

Azkenik, saio guztien amaieran parte hartzaileek balorazioa betetzen zuten, bileraren inguruko hainbat alderdi kontuan hartuta: bileran izandako giroa eta landutako edukia, biak ondo baloratuak izan ziren, giroa %85ek baloratu zuten ondo eta edukia %86k.

Bileretan ikuspegi desberdinetako iritziak azaleratzeko eta erantzunak jasotzeko aukera izan zen, eta orokorrean jendeak eskertu egin zuen emandako informazioa eta kontsultaren aurretik zalantzak argitzeko, galderak planteatzeko eta herritarren artean eztabaidatzeko espazio bat izatea, giro lasaian. Herrian, *kalean edo tabernan entzuten diren horiek maila formalean planteatzeko eta erantzunak jasotzeko aukera izatea, alegia.*

Hona saioz saio jasotako balorazioak:

1. MAHAI INGURUA	OSO GUTXI OSO TXARRA	GUTXI TXARRA	ONDO ONA	OSO ONDO OSO ONA
Interesgarria izan da mahai ingurua?	1	3	20	13
Zure zalantzak/kezkak argitu dira?	2	11	19	4
Nolakoa izan da gaurko saioko giroa?		2	26	7

SEKTORE EKONOMIKOAREN BILERA	GAIZKI	BESTERIK GABE	ONDO
Bileraren EDUKIA	1		12
Bilera EGITEKO MODUA	1	2	8
Bilerako GIROA	1	5	6
Bileraren EMAITZA	1	4	4

EGILEEN BILERA	GAIZKI	BESTERIK GABE	ONDO
Bileraren EDUKIA		1	17
Bilerako GIROA			18

HEGOALDEA/MENDEBALDEA	GAIZKI	BESTERIK GABE	ONDO
Bileraren EDUKIA		1	14
Bilerako GIROA			15

HEGOALDEA/MENDEBALDEA	GAIZKI	BESTERIK GABE	ONDO
Bileraren EDUKIA		1	14
Bilerako GIROA			15

AMEZTI/ETUME	GAIZKI	BESTERIK GABE	ONDO
Bileraren EDUKIA		1	13
Bilerako GIROA			12

AMEZTI/ETUME gaztelaniaz	GAIZKI	BESTERIK GABE	ONDO
Bileraren EDUKIA	1	12	17
Bilerako GIROA		10	20

ITSASALDEA	GAIZKI	BESTERIK GABE	ONDO
Bileraren EDUKIA		1	31
Bilerako GIROA			32

KASKOA	GAIZKI	BESTERIK GABE	ONDO
Bileraren EDUKIA		1	9
Bilerako GIROA		1	9

2. MAHAI INGURUA	OSO GUTXI OSO TXARRA	GUTXI TXARRA	ONDO ONA	OSO ONDO OSO ONA
Interesgarria izan da mahai ingurua?			17	36
Zure zalantzak/kezkak argitu dira?			30	23
Nolakoa izan da gaurko saioko giroa?			18	35

5.3. HERRI KONTSULTA

2013ko azaroaren 10eko desanexioaren inguruko herri kontsultan Igeldon 883 herritarrek zuten botoa emateko eskubidea eta horietatik 637k eman zuten botoa, % 72,1ak.

637 boto horietatik gehienak, **%61,38ak Igeldo udalerri bihurtzearen aldekoak izan ziren**, 391 boto.

% 36,73ak Igeldo udalerri bihurtzea ez zuela nahi adierazi zuen, 234 botorekin.

% 1,57ak boto zuria eman zuen, 10 pertsonak.

2 pertsonak boto baliogabea eman zuten, % 0,31ak.



Botoa eman zutenen artean gehiengoa emakumezkoak izan ziren, % 52,59a (335 boto) eta gizonezkoak % 47,41a (302 boto).

Botoen artean gehiengoa zuzenean kontsulta egunean jaso ziren, % 83,99 (535 boto) eta posta bidez jasotakoak % 16,01 (102 boto) izan ziren.

Pertsona bakarrak baliogabetu zuen aurrez posta bidez emandako botoa kontsulta egunean. Horrela, zuzenean eman zuen botoa, posta bidez emandako botoa hautsi ondoren.

Kontsulta egunean ez zen gora beherarik izan.

Foru Aldundiak uneoro bermatu zuen prozesuaren gardentasuna eta kalitatea.



Igeldoko kontsultarekin amaitu zen prozesu honetan komunikazioaren ikuspuntutik egin zirenak, kronologikoki, ondorengoak dira:

- Uztailaren 15a: Igeldoko parte-hartze prozesua iragartzeko lehen agerraldi publikoa egin zen. Funtzio Publiko eta Foru Administrazioako diputatu Garbiñe Errekondo eta Arantza Ruiz de Larrinaga Hiri Partaidetzako zuzendariak, Foru Aldundiko prentsa aretoan egindako prentsaurreko batean, prozesu hau abian jarriko zela iragarri zuten eta Foru Aldundiak Igeldoren desanexioaz bertakoen iritzia ezagutzeko herri galdeketa egingo zuela jakinarazi zuten.
- Uztailaren 15a: Garbiñe Errekondo ETBko albistegietarako elkarrizketatu zuten bere bulegoan, gaiaren inguruan zehaztasunak ematen.
- Abuztuaren 22a: ohar baten bitartez, Gipuzkoako Foru Aldundiak adierazi zuen ez zuela espainiar Gobernuaren babesik ez baimenik behar herritarren iritzia jakiteko galdeketa ez lotesleak egiteko. Foru Aldundiak horrela erantzun zuen komunikabideen bidez jakin zuelako Espainiako Gobernuko ordezkariak Donostiako PP alderdiaren udal taldeari txosten bat bidali ziola adieraziz Igeldoko desanexioari buruz herritarrei galdetzeko espainiar Estatuari baimena eskatu behar zitzaiola.
- Irailaren 16a: Foru Administrazio eta Funtzio Publikoko diputatu Garbiñe Errekondok, Araubide Juridikoko zuzendari Luis Elizegi eta Herritarren Partaidetzarako zuzendari Arantza Ruiz de Larrinagarekin batera Batzar Nagusietan egin zuen agerraldia. Alde batetik, diputatuak berak hala eskatu zuelako eta, aldi berean, EAJ eta PSE alderdien agerraldi eskaerei erantzuteko. Bertan, zera adierazi zuten, segurtasun juridiko osoz emango zirela pauso guztiak, bai Igeldoko banaketaren inguruko espediente tramitatzerakoan bai eta Gipuzkoako Foru Aldundiak herritarren iritzia jakiteko abiatutako partaidetza prozesuan.
- Irailaren 20a: ohar baten bitartez, Herritarren Partaidetzako zuzendari Arantza Ruiz de Larrinagaren izenean, Gipuzkoako Foru Aldundiak atsekabea adierazi zuen Igeldoko bizilagunen artean egingo zen partaidetza prozesua zela eta, Donostiako Udaleko oposizioko taldeek erakutsi zuten interes faltagatik. Izan ere, egun horretan bertan PSE, PP eta EAJk foru erakundeak gai honi buruz deitutako bilerara joateari uko egin zioten. Aldiz, Bilduko udal ordezkaria izan zen bileran.
- Urriaren 2a: Funtzio Publiko eta Foru Administrazioako diputatu Garbiñe Errekondo, Herritarren Partaidetzako zuzendari Arantza Ruiz de Larrinaga eta Igeldoko Herri Kontseiluko kide Ramon Urruzmendik prentsaurrekoa eman zuten desanexioari buruzko herri kontsultaren eguna eta zehaztapenak emateko.
- Urriaren 2a: Arantza Ruiz de Larrinaga ETB1eko 'Airean' programan elkarrizketatu zuten.

- Urriaren 3a: Ohar baten bitartez, Aldundiak berretsi zuen ez duela Gobernu espainolaren baimenik behar Igeldon herri kontsulta egiteko. Adierazpen hau Espainiako Gobernu ordezkari Carlos Urkixori erantzutera zetorren, Urkixok ohartarazpen bat bidali baitzion Martin Garitano Diputatu Nagusiari.
- Urriaren 8a: Espainiako gobernu ordezkari Carlos Urquijok Foru Aldundira errekerimendu administratibo bat bidali zuen kontsulta bertan behera uzteko, ez legezko zela esanda. Aldundiko talde juridikoak azaroaren 6an erantzun zion errekerimenduari esanez kontsultak Herritarren Partaidetzarako 1/2010 Foru Arauaren babes erabatekoa zuela, eta horrenbestez, erabat legezko zela.
- Azaroaren 5a: Prentsaurrekoa eman zen Igeldoko kultur etxean, Funtzio Publiko eta Foru Administrazioiko diputatu Garbiñe Errekondo, Herritarren Partaidetzarako Zuzendari Arantza Ruiz de Larrinaga eta Herri Kontseiluko Ramon Urruzmendi ordezkariaren eskutik. Partaidetzako prozesuaren berri eman zen, bai eta bozka eta bozkatzaileen inguruko xehetasunen berri ere. Bozka egunaren antolakuntza ere azaldu zen.
- Azaroaren 5a: elkarrizketa eman zuen Herritarren Partaidetzarako Zuzendari Arantza Ruiz de Larrinagak Ser irrati katean.
- Azaroaren 5a: azaroaren 5etik 10era, Euskadi Irratian, Info-7 irratian, Ser katean eta Radio Euskadin botoa ematera animatuz irrati-kuñak igorri ziren.
- Azaroaren 6a: elkarrizketa Herritarren Partaidetzarako Zuzendari Arantza Ruiz de Larrinagari, Teledonosti telebistan.
- Azaroaren 6a: Estatuko abokatuak, Donostiako Auzitegian, kontsulta bertan behera uzteko eskaerari erantzunez, oharra igorri zen hedabideetara.
- Azaroaren 6a: Foru Administrazioiko diputatu Garbiñe Errekondok adierazpenak egin zituen hedabideen aurrean, Batzar Nagusietako plenoaren ondoren.
- Azaroaren 6a: Foru Aldundiko bozeramaile Larraitx Ugartek adierazpenak egin zituen ETBko 'Euskadi Zuzenean' saiorako.
- Azaroak 6a: Martin Garitano Diputatu Nagusiak adierazpenak egin zituen Arrasaten, hedabideen aurrean.
- Azaroaren 7a: Estatuko abokatuak, Bilboko Auzitegian, kontsulta bertan behera uzteko eskaerari erantzunez, oharra igorri zen hedabideetara.
- Azaroaren 8a: Estatuko abokatuak kontsulta bertan behera uzteko eskaera Bilboko epaitegiak ez zuela onartu eta horren inguruko Aldundiaren balorazioa jasotzen zuen oharra igorri zen hedabideetara.
- Azaroaren 10a: herri kontsultaren eugna. 12:30etan, partaidetza datuak igorri ziren, gizon/emakume banaketarekin. 22:00etan oharra igorri zen bozka emaitza eta datu guztiekin, eta lehen balorazio batekin. Egun osoan zehar unean uneko informazioa zabaldu zen webgune eta sare-sozialen bitartez.
- Azaroaren 10a: egun osoan zehar hedabide anitzek elkarrizketatu zuten Herritarren Partaidetzarako Zuzendari Arantza Ruiz de Larrinaga: Sud-Ouest, Hirutxuloko Hitza, Euskadi Irratia, Gara, Ser... ETBko euskarazko eta gaztelerazko informatiboetan zuzenean Igeldotik sartu ziren.

- Azaroaren 10a: Foru Administrazioako diputatu Garbiñe Errekondok hedabideen eta herritarrena aurrean kontsultaren emaitzak eman zituen eta Aldundiaren lehen balorazioa egin.
- Azaroaren 11a: elkarrizketa Herritarren Partaidetzarako Zuzendari Arantza Ruiz de Larrinagari Euskadi Irratiko 'Albiste faktoria' saioan, eta Ser irrati katean, emaitzen balorazioaren inguruan-
- Azaroaren 11a: Prentsaurrekoa, Foru Aldundiko prentsa aretoan, Foru Administrazioako diputatu Garbiñe Errekondo eta Herritarren Partaidetzarako Zuzendari Arantza Ruiz de Larrinagaren eskutik. Prozesu osoaren eta emaitzen balorazioaz gain, hurrengo urratsen berri eman zen.
- Prozesu osoan zehar 'gizpukoaherritarrekin.net' webgunean informazioa zabalduz joan zen.

Balorazio orokorra komunikazioaren ikuspegitik:

Igeldoko desanexio kontsultari hedabideek jarri dioten arreta ikaragarria izan da. Aldundiak emandako prentsaurreko, egindako adierazpen eta zabalduko ohar eta komunikazioek oihartzun oso-oso handia izan dute, bai Gipuzkoako hedabideen artean, bai Euskal Herrikoen artean, eta baita Espainia zenbaiten artean ere.

Gai lokal batek halako oihartzun eta interesa piztea ez da batere ohikoa, neurriz kanpo ateratako gaia izan da. Igeldoko kontsulta borroka politiko, judizial eta mediatiko interesatuen erdian kokatu da, eta hortik zalaparta guztia.